



Discours oft Verhael  
ghemaect op de quetsure van mijn  
Heere de Prince van Ozaigen.



Gedruet Anno M. D. C. CC. LXXXIII.

598

14

INSTITUTIO THEOLOGYCÆ  
MAGISTRUS CHRISTOPHORUS DE HORTENSIIS  
IN HOC VOLUMINE CONTINETUR




INSTITUTIO THEOLOGYCÆ



9

Discours oft verhael ghemaect op de quetsure  
van mijn Heere de Prince van  
Oraignen.



**I**n eenen vanden afgevoopen brieuen die de Cardinael van Granvelle schijft aen Moyllon / sprekende van mijn Heere den Prince van Oraignen / seyt hy dese woorden:

VVaert dat dese ongheluckighe van Oraignen doot ghevalen vvare vanden scheute, daer vvaer beter hope, &c.

Dese woorden vanden Cardinael hebben my oorsake ghegheuen om te doen een verhael op de quetsure van mijn Heere de Prince van Oraignen / het welcke / als ick hope / alle de Prouincien van de Nederlanden gheenings tot achterdeel en sal wesen / en oock eenichsins den naest ghelegghen landen profitelich / de welcke gheen quaet herte en draghen tot de ruste vane Christenryck: ende den welcken met goede reden die te seer groote macht vande Spangiaerts behoort suspect te wesen. So dinct my dan dat niet qualich en sal te propooste comen / dat men ten alder eersten ondersoecke / wien desen titel van ongheluckich beter voeghet / of den selfden Heere de Prince / of zijnen vanden.

Men can metter waerheyt niet ontkennē dat den Coninck Philips niet en soude binnen zijn leuen veel groote saken ende voorderingen tot zijner voordeele hebben ontfanghen: Want al eer hy gheboze wert / was de Keyser Kaerle zijnen vader / de machtichste Prince van Christenryck: niet alleene om dat hy Keyser was / maer ooc om zijn groote en wijt-streckende Coninckrijcken / Landen / en erf-goeden / oock om zijn groot verstant / goet oordeel / eruarentheyt ende cloeck begriyp: ende te meer dat hi ontsien ende gheureest was: niet alleene vande Christenen Princen / maer oock vande Turcken / Mozen / ende ander Barbaren / of vzeemde natien: de welcke tot zijn beuel groot ghetal hadde vande cloerste Capitepne vander werelt: niet alleene vande Nederlanden / waer dat ten minsten waren wel swaelf personagien die waerdich ende bequaem waren om te regeere d'alder meeste armenen ende heyrachten / maer oock van ander natien: Iae die selue dooz zijn subtylheyt ende cloeck verstant tot zijnen dienst getrocken hadde vande cloerste Capitepnen die inden dienst van ander Princen zijn mochten. Men sal moghen segghen dat dit gheluck den Keyser Kaerle epghentlick toe behoorde: Wie isser die dat sal ontkennen: ende dat hy met dit gheluck niet en soude so schoone ende groote aenslaghen ten eynde gebrecht hebben: dooz de welcke zijnen name ende fame (dwelcke geen cleyn punct en is van gheluck) niet alleene en heeft binnen zijn leuen ouer alle de werelt verbruyt gheweest: maer oock alle de nacomers sullen hoorē clincen zijn groote ende onsterffelike glorie ende eere. Maer men can oock niet gheloochenen / indien desen grooten Keyser achter gelaten hadde een

N g erf



erfghename die hem ghelijck ware/ of dese groote voorspoet ende gheluck soude ghedobbeleert gheweest hebbe inde persone van zynen sone, Die historien hebben Alexander de groote van Macedonien seer vermaert gemaect voor den principaelsten / ende meest vermaerden Prince oft hooft / die opt soude gheregeert hebben / naest Julius Cesar ; by wien alle ander groote Capiteynen die tot nu toe gheweest hebben / geenlins en zijn te gheleijken. Maer wie sal derren ontkennen / dat die voorgaende Coninghen van Macedonien / die van langher hant den crijchshandel ghepleecht hadden / niet en souden ghedient hebben tot voorsderinghe van desen grooten Alexander ? Ende aengaende Philips van Macedonien zynen vader / ick hebbe veel groote personagien / so wel seer gheleerde als cruaren in saken van state / hoozen disputeeren wien datmen behoorde den meesten lof ende eere te gheuen / of Philips / oft Alexander. Niet datmen gelijckenisse maecte vande grootheyt vande conquesten / ende gheluckige eynden ende tbervolghen vande strijden die by den eenen ende den anderen gewonnen waren / maer men maecte gelijckenisse van d'eerste middelen die den eenen ende den anderen hadden : de swaricheyt van te conqueren / het onderschept vande cloetheyt vande vanden / daer sy teghen vochtē : ende van Philips zijde / den arbeit die hy hadde ghedaen om so veel goede Capiteynen ende crijchsliden te maken / als hy zynen sone heeft achter ghelaten / voor eenen schat : Welcke hem heeft geweest een veel meerder ende rijcker patrimonie / dan het Coninckrijcke van Macedonien / dat het erfgoed en patrimonie was van henlieder gheslachte / metten Keyserrijck van Grieken dat door de groote vromicheyt van Philips ghewonnen was.

Aengaende den Keyser Kaerle / wie soude niet reden connen wederlegghen / dat in zyne persone niet en souden haer als gestorft hebben / de groote vromicheden en ghelucken vande seer edelen huyse van Bourgongien / de groote wijsheyt ende tgheluckich gouuernement vande Coninghe van Castilien / de welcke wt Spangien verdrueuen hebben de Saracijnische Coninghen / ende van die van Arragon / die vercreghen hebben so door hen vromicheyt / als door praetike ende loofheyt / de Coninckrijcken van Naples / Sicilien / Maiorque / Minorque / ende Pauarre ? Sonder noch te vermanen vander autoriteyt die thys van Oostenrijck henlieden heeft vercreghen onder de Duytsche natie ; wt de welcke dat de Keyser in alle zijn oorloghen / ghelijck wt een loop plaetse getrocken heeft een groot getal van crijchsvolck / so wel te voet als te peerde. Maer sal doe bekend ende hoorbeels van zyn voorsaten ontfanghen hebbende / heeft niettemin vercreghen ende gheraert tot het hoochste voort van alle geluck / ende tot zynen volmaetheyt ghebrocht / dit werck vanden Keyserrijck van zynē huyse / welcke hem niet alleene in Duytschlant wt en strecke / aen welck lant dat schijnt dat den naem vande Keyserrijck ghenagelt is / maer in alle Provincien van Europa / ende hem doch wel breet wistreckende in Afrikaen / doch in Indien / ende wt vierde deel vander werelt.

Maer nu dat zynen sone / den Keyser zynen vader soo verre te bouen hadde

hadde



hadde ghegaen/als de Keyser zijn voorszaten heeft ghedaen : of dat hy zeit  
minsten eenichsling in dese vromicheyt ghecontinueert hadde / onghelwij-  
felt hy hadde gheweest een vande meeste Coninghen vander werelt / Ja  
vande ghene die voor hem gheweest hebben. Maer men moet oock noot-  
sakelijck bekennen/dat gheen cleyn punct en is gheweest van ghelue/van  
een alfulcken vader ghebozen te welen/alsulcken ende so groote erfachtie-  
heden/tot erue te hebben;ende erfghenaem te zijn van so grooten menich-  
te van goet oorloochs volck/ende principalick van vrome Duysche/Ita-  
liaensche/Spaensche/ende bouen al Nederlantse Capiteynen/in voeghe  
dat tot op den dach van heden de Coninck Philips hem beuint van God  
seer groot onderstant te hebben/ende seer gheluckich te welen / dat hy een  
sone is gheweest van alfulcken vader.

Hy voorszgaende de kintsche ionckheyt vanden Coninck Philips / so  
siet hier een tweede punct van gheluck; te weten/dat hy tot mannelicken  
staet comende/ende daer toe binnen zijns vaders leuen/ heeft ontfanghen  
ende ghelyt gheweest van so groote Coninckrijcken/Landen ende Heer-  
schappien. Ende hoe wel dat de Keyser op d'eynde van zijn Keyserrijk/  
hadde eenich teghenpoet ghehadt/so wel in Duyschlandt door de vromic-  
heyt van Hertoghe Mauris ende ander Duysche Vorsten / als door die  
conquesten vanden Coninck Henrick van Franckrijk / ende ten laetsten  
door theleg van Mets/so was tgheluck vanden Coninck Philips sulchs/  
dat hy door de negheniarighe apden of bystant van ghelde hem by de Ne-  
derlanden gheconsenteert/ende door de groote vromicheyt van goede Ca-  
piteynen/principalick vande selfe landen/de saken weder heeft gebrachte  
in sulcken staet/dat hy na diuersche schoone victorien/niet alleene en heeft  
weder ghereghen alle tghene dat zijn vader verlozen hadde / maer oock  
heeft verlehert den staet van Italien/ende weder doen stellen den Hertoghe  
van Sauoye zijnen principalen vrient ende dienaer in alle zijn Lan-  
den/die zijnen vader verlozen hadde. Daer na hebben oock zijn saken seer  
grooten voortganch ghehadt in Indien. Ende als den Turck hem heeft  
willen herringhen(wtghenomen tverlies dat hi hadde in Zerbi/en tshan-  
delich in nemen van la Goulette) hy heeft so gheluckich gheweest / dat hy  
door sommighe Ballanen met gelde d'ooghen wt te steken / d'oorloghe op  
ander plaetsen ghesonden heeft / of door zijn loofheyt de Venetianen heeft  
ghetrocken met hem in een verbont/makende van henlieder Coninckrij-  
ke ende landen een contrefearpe endereuelin om zijn landen voor den aen-  
stoot te beschermen ende bewaren;Ende heeft daer toe so gheluckich ghe-  
weest/dat die heerliche victorie op zee verregen door tbloet ende vromic-  
heyt vande Venetianen/heeft bekeert gheweest tot zijnder eere en profijt/  
dwelcke also beschiet wert door Don Jan van Ostentrijk / niet wete en  
consent vanden Paus. Ende aengaende de saken van Nederlandt / alle sa-  
ken waren hem ghetomen na zijnder begheerte: want men mach segghen  
dat de Hertoghe van Alue inde selfde landen comende met een hant vol  
volck/niet van poene en hadde dan wat rijts ende eenen fourier om de la-  
gements te reekenen/ende eenen beul om te hanghen ende onthallen de  
ghene



by

ghene die in dese landen waren: dwelcke hem so wel heeft ghelucket dat de  
 reste vande Heeren die in dese landen niet en waren / in zynen handen in  
 Spangien waren: waer dat met de selfde op de Spaensche maniere ghe-  
 handelt is gheweest/ghelijck alle man wel bekent is. Aengaende de Prin-  
 ce van Ozaigne/die alleene wt zynen handen ontcomen was/die was ge-  
 heel onterft van alle zyn goeden/so dat hy niet een gulden inucomens en  
 hadde: ende daer en bouen wert zyn outste sone ouer gheuoert in Span-  
 gien/als vooz een pant / dwelcke gheen cleyn punct van gheluck en was:  
 ende daer af dat Coninck Philips ende zyn hangerken den Hertoghe van  
 Alue/instrument van zyn weetheyt/hem dickwils beroemt hebben. Ja  
 dat meer is/als de voorszeyde Prince tot tweemaal niet heyracht in dese  
 landen ghecomen heeft / alle beyde de reysen hebben hem begeuen de ghe-  
 ne die hem ghelooft hadden/ende op de welcke hy steunde: eenighe bi ghe-  
 breke van courage/ander by ghebzeke van ghetrouwichheit / dwelcke ooc  
 gheen cleyn punct en is gheweest van gheluck: ghelijck oock den Hertoge  
 van Alue wel heeft te kennen ghegheuen dooz den ewighen impost van  
 den hondersten ende thienden penninck/die hy de gemeente meende op de  
 hals te legghen / niet als erf onderlaten van zynen meester / maer als een  
 volck dat verwonnen/ende slaue gemaect is. Ende desgelijcx dooz dat ho-  
 ueerdich opzichten van zyn beelt of figure in het Casteel van Antwerpē.  
 Ende wy sien oock dat hy tot allen tijden heeft ghespeelt/by maniere van  
 segghen/ghelijck met eenen bal/met de Heeren van Italiē: en dat de Paus  
 de saken vanden seuer Coninck heeft in handen ghenomen/al oft zyn ey-  
 ghen saken waren/Ja so verre dat hy hem wilde twooz-sitten geuen vooz  
 den Coninck van Vrancrijk. Aengaende dat Keyserrijk / hy heeft daer  
 af ghedisponeert/ghelijck van zyn eyghen saken. Ende aengaende Vranc-  
 rijk / hy en heeft daer gheen ghebzeck ghehad van also goede dienaers/  
 als hy hadde binnen Madrid / of binnen Siuilien. Ende ten laetsten een  
 pghelijck liet/hoe lichtelijck dat hy is meester gheworden vanden lande  
 van Portugal/ende by desen middel zyn lant heeft int ronde staende: heb-  
 bende nu ter tijt in zynen handen tghesheel lichaem van Spangien.

Wie isser dan die soude moghen ontkennen dat de Coninck van Casti-  
 lien niet en soude gheraect zyn seer aen thoochste boozt van alle gheluck?  
 Ende so veel als my aengaet/ich en can niet ghetwijfelen / als myn Heere  
 de Cardinael/volghende de cloechheit van zyn verstant/hem seluen dese sa-  
 ken vooz ooghen lept / ende daer toe het wijs beleyden van alle henlieders  
 saken die sy ten eynde gheboecht hebben / niet metten sweerde / maer met  
 luttel ducaten: Hy en moet in groter weerden hebben dit gheluck ende  
 boozspoet van zynen meester/ende dien achtervolghende hem seluen oock  
 vooz seer gheluckich houden/ als hy denckt dat zyn grootvader een hoef-  
 smit was/ende dat hy nu hem seluen liet bedienen ende onderwint hebbē  
 van alle dese groote saken onder eenen so gheluckighen Prince/ende tot-  
 ten crop toe vol rijckdoms zijnde:ende maer een Priester so veel dienaers  
 heeft/dat hy int eynde vanden voorszeyden Jare/geschreuen heeft aen Mo-  
 rillon/datter op een reys tachtentich sieck waren. Wie en acht oock niet  
 een



een Prince van Parma vooz gheluckich / dat hy ouerste is van deser ar-  
 mepe / die sy heeten Catholicke ende victorieus / vooz sulcken Prince / ende  
 dat hy hem heeft ghestelt teghen een hooft van so grooten hupsle / als is een  
 sone vanden hupsle van Franckrijck / van dwelcke alle zijn voorszaten arme  
 dienaers zijn gheweest: ende die onlanck gheleden dooz weldaet van tself-  
 de hups / de selien hebben in haerlieder wapenen betreghen / ende henlie-  
 der edeldom. En dat hi hem nu ter tijt laet heeten Alteze / om hem te schep-  
 den oft wt te steken houē alle ander cleyne Excellentie / den welcken hi be-  
 ueelt en daer af dat hy de ouerste is: en hy desen middel gelijc is den mach-  
 tichsten Dorsten vander werelt / naest de machtichste Coninghen. Ende  
 aengaende Jaspar Anastro / wie twijfelt dat hi ende alle de Spangiaerts /  
 die op dien tijt vrieuen hadden vande doot vande Prince / oft ynnuers hen  
 versekeret hielden dat hy de doot niet en mocht ontgaen / Anastro niet en  
 hielden vooz seer gheluckich / dat hy sulcken seyt hadde te wege ghebrocht:  
 aenghesien dat sy eenen so snooden moorder als Jaureguy houden vooz  
 een martelaer: Daer hebt ghy waeromme dat mijn heere de Cardinael hē  
 seluen ende zijnen meester / niet meer ander vooz gheluckich reeckent: ende  
 ter contrarie de Prince van Ozaigue hout vooz ongheluckich. Maer mijn  
 heere de Cardinael / wat sult ghy segghen / ist dat ick v bewijse / dat als ghi  
 den Prince ongheluckich heet / dat hy geraect is aen d'hoochste boort van  
 gheluck: ende dat hy so seer als een mensche moghelick is / gheromen is op  
 den oppersten trap van alle gheluck? Ist dat ick v bewijse dat die snoode  
 ende verraderlike practiken van uwen tyran (want hy gheenlins en is  
 weerdich den naem van Coninck) niet de welcke hy gheheel ende al inen-  
 de den Prince te verdoen ende neder te vellen / hebben gheweest niet al-  
 leene tbeginfel / maer het eynde van alle ongheluck / dat hem op den hals  
 is gheromen: en den schandelicken hoet / die ghy ende de uwe opt sult ma-  
 ghen op thoost stellen: ende dat den strop is daer mede de snoode Anastro  
 sal verwocht werden: ghelijck hy ellendich ende schandelick heeft doen  
 steruen die arme ionghe lieden / de welcke hy heeft bedrogen ende verra-  
 den: Ja dat meer is zijnen eyghen biechtvader: Ende dat ick v dan voort  
 bewijse dat uwen Coninc ende Tyran de snootste Prince is / die opt croo-  
 ne opt hooft hadde. Ick ghelooue als ghy dese saken sult hoorzen / dat ghy  
 dit bywoort ongheluckich sult veranderen / ende toe schicken uwen Co-  
 ninck / ten sy (hy ayontuere) dat ghy tselfde vooz v selue hout / als kennen-  
 de v seluen vooz snooder van hy is / en dat ghy v selue daer mede sult doe-  
 ken ghelijck niet eenen fraeyen mantel ende hoet van een Cardinael.

Nu ist een seker sake / in v eyghen vrieuen en meer ander segghent claer-  
 lich / dat de ghemeene opinie is vanden Spangiaerts / dat de doot vande  
 Prince van Ozaigue / soude gheweest hebben de versekertheit vande sa-  
 ken vanden Coninck van Spangien in dese landen. Daer hebt ghy de re-  
 den waeromme dat de Coninck van Spangien niet veel ende verscheyden  
 personen heeft ghesproken / ende gehandelt van de middelen om hem van  
 der werelt te helpen / dooz moorderien ende verscheyden manieren van  
 vergiften. Niet min en hebben oock ghedaen de Prince van Parma / ende  
 sommighe



bij

sonninghe die van zijnder zijden zijn / de welke oock wel bekend zijn. En  
volghende dit boornemen / so wort aen Anastro de ghelofte ghedaen van  
tachtentich duysent ducaten / door tusschen-spreken van Plunsa / ghelijck  
vrecder verhaelt wort by de ghetuyghenisse van dien armen dienaar van  
Anastro / die deerlick van zijn meester heeft ter doot gheleet gheweest.  
Maer also God d'aenflaghen vande boose menschen can te niete doen / also  
heeft hy oock dese quetsure gheheel contrarie ende anders laten ghelichie-  
den / dan dese lichte menschen voor ghenomen hadden. Tis wel waer dat  
de verbaestheyt metten eersten seer groot was / als onuerwacht ende on-  
bedacht ghebeurt zijnde op alsulcken dach / te weten / vander geboorte van  
mijn Heere den Hertoghe van Brabant / ende op den welken een peghe-  
lick hem gereet maecte om vrolick te zijn op tbancket dat dien selue auont  
soude ghehouden worden: Zijnde den slach gheuallen op een Prince die  
vander ghemeynte so seer bemint is / dat noyt Prince binnen menschengh  
ghedenckenisse meer mocht bemint zijn: Op een Prince die alleene van al-  
le de groote Heeren vanden lande heeft begost / en ghecontinueert in tver-  
volch vande vryheyt vanden lande / ende wt d'zjuen vander tyrannie: Op  
een Prince die zijn leuen heeft versleten inden dienst vanden lande / ende  
voor so veel arbejts ende moeytē: voor tverlies van zijn drie broeders die  
in dit ghelichil of questie ghebleuen zijn: voor zijnen sone die hi voor so veel  
als doot hout / zijnde in handen van sulcken vyant. Voor alle dese welda-  
den / en heeft hy tot op den dach van heden gheen ander vergeldinghe ghe-  
hadt / dan de goede affectie ende vrientschap vanden ghemeynen volcke:  
Op een Prince op wien naest God dit ghemeyne volck alle zijn hope ghe-  
stelt heeft. Ende indien dat ghevolcht hadde tghene dat veel boose men-  
schē / dat de Prince van Parma / Anastro / de Cardinael / ende henlieder Co-  
ninc / begheert hadden: het is seker datter soude ghebeurt hebben een seer  
groote confusie in alsulcken stadt / daer eerst was ghecomen mijn Heere de  
Hertoghe van Brabant: wiens deucht ende gestadicheyt noch so wel niet  
en waren bekend / als die / God danck / nu ter tijt zijn. Maer God die alle  
saken regeert door zijn heplighe voorzienicheyt / toonde terstont hoe dat hi  
in dese quetsure / de welke metten eersten hadde ghelijck eenen swaren  
donderflach / dese gheheele stadt in roere ghestelt / woude alle man te ken-  
nen gheuen hoe dat hy door nieuwe en vreedende middelen t'onder broch-  
te d'aenlagen ende het boornemen vande Tyrannen ende gemeyne vyan-  
den ende gheconspireerde van gheheel Christenryck. Want wie can men  
toe schryuen / dat dewijle de saken so int verwerde stonden / ende gereet om  
in sulcker confusie te vallen / so veel beschepts ouer dē moorder Lauregus  
gheuonden wert / dat gheen mensche ter werelt / selue ghelien hebbende /  
in gheender manieren hadde moghen twijfelen dat de Spangiaerts alle-  
dit werck van boosheyt gherocet hadden: In voeghen dat op een ooghen-  
blick tijts ende terstont / in stede dat die Spangiaerts met henlieder aen-  
hanck meynden een seer goede oorsake gheuonden te hebbē / om de Fran-  
cosen ende die vanden lande tweedrachtich te maken / gheheel de contra-  
rie ghebeurt is / so haest als de waerheyt haer begost te ontdecken / en oock  
een



ix  
een fondament van vrientschap ende verlaminghe ghelept wert / die na-  
maels daer wt gheuolcht is / de welcke met Gods hulpe onsterffelijck en  
onbzekelijck sal werden / ende door de welcke alle de reste vande Spaen-  
sche tyrannie wtgheropt sal werden wt desen lande/ende gheiaecht wordē  
ouer tgeheverchte van Spangien. Jaureguy hoe wel dat hy seer sot was/  
gelijck hy wel bewesen heeft/dat hy hem also hadde laten betooueren van  
den verrader Aluastro/so en was hy nochtans so stercht niet / of hy en wist  
wel/houden de by hem alle tbeschept dat by hem gheuonden wert / dat hy  
oock de sake soude gheheel ende al ontdecken ende te kennen gheuen/ende  
dat hy zynen armen mede-gheselle Venero soude in last brenghen. Maer  
wie is daer die wederstaen mach die voorszienicheyt Gods? Want Jaure-  
guy niet wetende waeromme dat hy sulcx dede / heeft by hem ghehoudē  
alle tselfde beschept / dwelcke God gebuyrte om het seft waer te maken.  
En dat meer is/men sal seggen dat een auontuere was/dat Vanderdaechts  
de bzieuen van Aluastro in handen vander wacht zijn gheuallen / door de  
welcke den aenslach so int licht is ghecomen/dattet proces goet om makē  
was. Nu alle dese dinghen zijn door Gods voorszienicheyt belept geweest/  
ghelijck oock wel gheproeft hebben de ghene die acht ghenomen hebben/  
dat so veel boose acten / door de subtylste menschen vander werelt beleet  
zijnde/ ende met de meeste bedertheden diemen soude moghen bedencken:  
nochtans in tlicht zijn ghecomen/en ghestrakt gheweest hebben door mid-  
delen diemen niemant anders dan God en mach toe schryuen. Dwelcke  
alle menschen die door den dupuel bedrogen ende verlept zijn/gelijck ghe-  
weest zijn Aluastro ende Jaureguy/wel mach doen pepnsen dat henlieder  
loofsheyt ende practike gheenings en is te ghelijcken by die onepndelijcke  
wijsheyt Gods/die de dooztrapste vangt in haerlieder bedroch/ende den  
menschen wil doen gheuoenen de merckelicke crachten van zyn rechtueer-  
dicheyt. Dit was dan tbeginfel vande verlekertheyt / de welcke den die-  
naers van mijn Heereden Hertoghe van Brabant / ende vande voorszeyde  
Heere de Prince ter hant quam / doen sy ghenoech beladen ende verslagen  
waren/ende die den wech maecte/tot tgene dat naderhant volchde vande  
waer-makinghe van een so snooden seft / ghelijck nu ter tijt alle man be-  
kent is. De Spangiaerts meynden dat desen slach soude geheel schepden  
ende verureinden de herten van die vandē lande/vande Francoslen/ghe-  
lijck de Cardinael schrijft in zyn bzieuen/ende snatert/leggende: Dat ware  
den deun/dat die van Antwerpen den Hertoge van Allenlon in handen le-  
uerden om ghestrakt te worden:want wt dese woorden cannen wel merck-  
ken tghene dat sy inden sin hadden. Hoe wel dat door de bzieuen vanden  
Marquis van Berghen ende ander die af geworpen werden/te seer claer-  
lick verstaen wort wat hope dat de Spangiaerts ende ghespaigroliseerde  
gesellen van dese quetsuere hadden:te weten / de verderuenisse van zijnder  
Doocheyt/door de welcke tgeheel lant soude werden gedestruuert. Maer  
gheheel de contrarie is gheschiet / want gheen sake en heeft de begonste  
vrientschap so seer beuesticht:als dese quetsure:want de woorden ende het  
diep ghesucht vande Prince/en hebben die niet geweest een eelwich getuy-  
ghenisse



**E**ghenisse vande ghestadicheyt ende ghetrouwicheyt tot zijnder Hoocheyt?  
Ende als hem t'spreken verboden was vande Medecijns / of dat hy door  
t'geswil vander quetsure niet spreken en mocht / en hebben zijn handē niet  
geweest ghetrouwe ghetupgen van zijn vaste affectie tot zijnen dienst: niet  
ghelijck de lieden ghemeenlyck segghen totter doot toe / maer tot ouer de  
doot. Achterlatende mijnen Heeren de Staten / der Stadt van Antwerpen /  
alle zijn hupsghesinne ende nacomers soo merckeliche teekenen van zijn  
getrouwicheyt / ende gestadich boornemen tot zijne Hoocheyt: Waert dat  
hy wel ghesont ende te passe zijnde sulcken ghetupghenissen hadde ghege-  
uen / die ghene die hem kennen / ende die weten hoe rondelick wt dat hi ge-  
woone is te spreken / soudent geloof hebben / maer ander soudent wt ghe-  
lept hebben na henlieder goetduncken. Maer zijnde zijn leuen ghehangen  
aen eenen draet / ende hy zijn doot alleneen verwachtende / gelijk oock de-  
den alle zijn Medecijns ende dienaers / soo wert dese getupgenisse van een  
pegghelick vooz goet ende van weerden ghehouden: ende de Spangiaerts  
mogen oock genoech bedencken / hoedanich de crachten zijn ende sullē zijn  
van sulcker ghetrouwicheyt. Ende ist dat henlieder hooueer die ende ver-  
metenheyt henlieden belet t'selfde te verstaen / den tijt sal henlieden meer  
leeren dan sy begheeren sullen / te weten / dat dese quetsure den voet heeft  
werch genomen / ia de wortel wtgheropt van alle quaet beïmoeden en wan-  
trouwicheyt in toecomen den tijde: ende heeft de herten t'samen gebonden  
mer so vasten bant / dat alle de practike ende behendicheyt vanden Car-  
nael onmoghelijck sal zijn: ende oock alle de listighe corruptien van de  
Spangiaerts / te doen weder wt spruyten inde herten noch vanden eenen  
noch vanden anderen eenich t'rycken van tweedracht: ende ter contrarie /  
sullen sy mogen verstaen t'ghene dat sy behooren te vreesen vander veree-  
ninghe ende eendracht vande twee landen / te weten / van Vlaenderijck en  
vande Nederlanden.

Maer ist dat wy willen aenmercken dese quetsure / men salder vinden  
een afgront van miraculen: ghemerct dat de scheute door sulcken plaetse  
ghepasseert was / dat gheen Medecijn noch Chirurgijn soude comen ghe-  
loouen / ten ware dat hijt gesien hadde / dat die gheneselick ware: ende oock  
de ghene die de wonde ghemeeftert hebben / bekennen dat Gods werck  
daer geopenbaert is gheweest: en voozwaer dat de quetsure heeft nat ghe-  
maect gheweest met die tranen van so veel goede lieden / ghelijck met een  
welrieckende olve of balsen: ende selfs / dwelcke niet sonder wonder en is /  
daer de scheute merckelick by den Spangiaert van soo naer gheschoten  
wert / dattet vper inden baert ende int hary vatte vande Prince / soo dat  
t'ghene dat de moorder meynde dat een groote oorsake behoorde te wesen  
vande doot / d' oorsake is gheweest van het ghenesen. Want so een vande  
aders vander kele ouernits was / het is wel seker indien t'bloet niet en  
hadde gestelpt geweest door een extraordinaire middel / dat nemmermeer  
noch Medecijn noch Chirurgijn soude in tijts gecomen hebben / door dat  
t'bloet met sulcker menichte soude wt gheloopen hebben / dat de doot eer  
soude daer gheweest hebben / dan d'eerste vermaken vander wonde soude  
gheschiet



ghelchiet hebben. Maer mits dat de scheute van so by geschoten was/dat  
tet gat van tystolet aende huyt raecte / ruyper dat inde wonde quam met  
de cloot/canteriseerde in sulcker voeghen d'ader / dat tbloet terstont ghe-  
steyt was/ ende niet meer wt en liep / booz dat tverbzant vleesch wt viel.  
En hoe wel dat als doen de Prince op een nieu in seer groot perikel was/  
so hadden nochtans de Medecijs den tijt om daer op te leggen de reme-  
dien die daer roe dienden. Al waert dat booz so groot verlies/ende alle  
de moeyten die de Heere de Prince so langen tijt booz de landen heeft ghe-  
leden / gheen ander vergelbinghe opt en hadde dan een so excellentie ende  
edele getuggenisse als hem op dien tijt van alle den volcke ghegeuen wert.  
Wie soude hem connen ongeluckich heeten/dan de Cardinael van Gran-  
velle / d'ongheluckichste mensche bander werelt/wtghenomen zijnen Co-  
ninck? Alle lieden van verstande meynen dat Pompeius soude seer geluc-  
kich geweest hebben/waert dat hy gelyken ware als die van Naples en  
omme ghelegghen plaetsen hem teghen quamen met bloemē ende alle teec-  
kenen van vrolicheyt/na dat hy van zijn siechte ghenesen was. Maer met  
meerder reden machmen seggen dat noyt Prince oft Heere en was geluc-  
kiger gequetst/aengesien dat dese Prince in dese quetsure heeft ontfangen  
de notabelste ende excellentste getuggenisse vanden volcke/die noyt Prin-  
ce oft Heere booz zijnen tijt heeft ontfanghen.

Alst datmen wil aenmercken tghene datter is ghebeurt in dese oorloghe  
die hy heeft aenueert teghen de meeste ontsienste Prince van Christenryc/  
dan de Cardinael eenich ongeluck daer in mercken? Hy heeft seer veel te  
doene gehad/maer wat een glozie sout zijn/wat een gheluck en boozspoet  
waert dat de Prince van Ozaigne d'oorloge bestaen hadde tegen een siecht  
edelman/ende meester gheworden ware? Maer hem ghestelt te hebben te-  
gheneenen Coninck die so groot/so machtrich / so ontsien is/doen hy was  
indemiddel van zijn victorien / ende als hebbende alle saken in zijn hant/  
alle de werelt een schrick was: daer de selfde Prince van alle zijn goeden  
verooft was/ende anders gheen middelen en hadde dan tfondament van  
een goede sake/te weten/vande byzheyt van een goet volck teghen die ty-  
rannie. Ende daer af alsulcken eynde heeft gehad / dat tselfde mijn heere  
den Cardinael mach bewijzen / wie van bepden de gheluckichste is ghe-  
weest. Want die onkosten vanden Coninc van Spangien zijn sonder eynde  
de gheweest: volck dat hy ghebelicht heeft/is seer vele gheweest/en vande  
geschickste krijchsliebede vander werelt: de welcke meynen subtil genoech  
te wesen om de gheele werelt te regeeren / en sterck genoech om Europe  
te dwinghen:ende gelts genoech te hebben om alle de Staten van Euro-  
pe d'oogen wt te steken:ende autoziteyts genoech / om d'ander Coningen  
veruaert te maken. Maer het eynde van deser Tragedie is / dat de wape-  
nen van Castilie in Antwerpen/ende ander principale plaetsen vande Ne-  
derlanden af geworpen zijn: Dat de Prince slaept inde camer vande Her-  
toge van Alue: Dat hy met de voeten tredet / alst hem gelieft het hoeuelke  
der houeerdie/op dwelcke die Tyrān zijn hoochmoedighe figure of beelt  
op gerescht hadde: Hy sendt alst hem ghelieft zijn lackapen/en laet die gaen  
Bij wandelen



wandelen op de plaetsen die de Cardinael bereypt hadde booz zijn wellust ende geneuchte. Het is waer dat de Cardinael seyt dat God hem bevvaert tot een ander effect: dat ist gene dat wy geloouen: te weten/om te volbrēghen dit schoon stuck werck dat hy begonst heeft vande vermelinghe der tyrannie der hoouerdie ende moetwillicheyt vande Spangiaerts: ende alle man te laten sien hoe veel onderschepts datter is tusschen de macht vanden Coninck van Castilien/ ende die gheconterseyte ende ghemaecte degelicheyt vanden Spangiaert: ende als dan geraect zijnde aen thoorchste boozt van alle geluck ende salicheyt/ dat hy sal alle nacomers van hem achter-laten een seer gedencckweerdige memoire/ en dat hem na zijn ouerlijden den titel van Alexicacos/den welcken die hoouerdige Hertoge van Alue hem seluen binnen zijn leuen wilde toe schryuē/sal geaccordeert worden met een alghemeyne consent van alle natien/ die sien sullen dat die Spaensche monsters dooz zijn vromicheyt verwonnen zijn geweest: ende ist datter noch eenighe ouer is gebleuen/dat desen nieuwen Hercules van Oranchrijcke sal gheheel wt schrabben de ghedinckenisse van dien: in voeghen datter ter werelt gheen vermaen meer en sal af ghemaecht worden/niet meer dan tghedaen wort van Buspris/Cacos ende Gerpon/ ende sal dit lant stellen in vrede ende iustitie.

Maer ist datmen uwen Coninck wel wil van hy besien/ al waert dat hem na des werelts aduijs alle saken veruolchden na zijn ende uwer begeerte/mach daer oock zijn een ellendiger sake dan een vader die zijn kint doodet? Ghy sult my seggen dat hijt rechtueerdichlijc heeft gedaen/dwelcke ick v wil toe gheuen/ om v vrientschap te doen. Maer een vader van sulcken hupse/ ende van sulcker hoocheyt/ ist niet d'ellendichste mensche vander werelt/die maer een sone en heeft/ erfgenaem van so veel Coninckrijcken/gelijc hy maer en hadde Don Kaerle ten tijde vande moort: ende bedwonghen te wesen/ia hy iustitie/so ghy segt/hem te doen steruen? Mach oock ter werelt ellendigher creatuere zijn als een so ondancbaren sone/ende so onnatuerlijck teghen zijnen vader/die so vernaemt ende van so grooter autoziteyt was/ als die Keeser Kaerle was: de welcke binnen zijn leuen so grooten rijckdommen ghegheuen hadde eenen so catijnighen sone:ende niet meer en hadde booz hem seluen ghehouden dan twee hondert dupsent ducaten iaerlicx op de landen van Spangien/ ende nochtang daer af niet en heeft ontfangen zedert den tijt dat hy afstant dede van zijn Coninckrijcken? Een sone segghe ick die als sulcken vader heeft laten de reste van zijn leuen ouer brengen met Monicken/ ende hem seluen onderhouden met de iuweelen ende meublen die hem noch ghebleuen waren: de welcke hy was ghedwonghen te verropen ende versetten om hem seluen te onderhouden? Een en so ondancbare sone die gheleden hadde dat d'Inquisiteurs in twijfel gestelt hadden/ofmen de beenders van zijnen vader soude wederom ontgrauen/om verbrant te werden als vā een ketter/ om dat hy in zijn dootbedde beleden hadde/ op het vertoorch vanden Aertsbischof van Toledo/ dat hy stont ende verhopende was op de verdienste Christi alleene/ende op gheen ander sake zijn hope ghestelt en hadde? Een so onna



rij

so onnatuerlijckē sone/die genomen heeft alle de goeden van desen deuchdelicken Aertsbisschop/om dat hy den Keyser totter doot toe hadde by gestaen/ende van zijn salicheyt onderwelen:ende so langhe heeft gheuangen ghehouden tot dat hy was gedwongen hem te laten gaen na Rome/waer dat die goede Aertsbisschop zijn proces ghewonnen hebbende / door dese Coniucy dienaers vergheuen wert/wt vzeese dat hy soude comen in tghesuyck vande twee hondert dupsent ducaten iaerlicsche rente/die d'Aertsbisdome van Toledo heeft inne comende? Ende wat machinen catiuigher hebben dan een man die zijn hupsvrouwwe doodet/dochter ende suster zijnde van so machtighe Coninghen: ende moeder vande warachtige ende alleene erfghenamen van Castilie? Machinen catiuigher mensche vindē dan alsulcken incestueus die zijn eyghen nichte trouwet / ende na de doot van haer/de Keyserinne zijn suster te wercke stelt/om te radē zijn ander nichte de Douagiere van Brancckrijck/ende eyghen suster van d'ander/om die te moghen trouwen: d'welcke hy nochtans niet en heeft conuen winnen op de ghestadicheyt ende eerbaerheyt vande Coninginne Elizabeth / hoe wel dat hy zijn beste heeft gedaē? Maer wat mach ellendiger zijn dan dese incestueuse Coninck / die binnen Bruppsel op eenen tijt t'samen was houdende/ia beurucht maecte twee ghelusters/de dochters vanden backer die hy t'stadchups woonde? Desen Coninck die met ghewelt heeft een arm Prince doen trouwen zijn bylidt/die van hem beurucht was: en heeft erfghename ghemaect / dat is te segghen dief vande goeden van dien armen Prince/den sone van dit ouerspēl ghecomen? Is in dese werelt ellendigher sake dan een onuerdraghelick tyran / die in Indien heeft doen steruen by millioenen ende gelijck ripsemen/die arme creatueren? Die zijn oude onderlaten vande Nederlanden/de welcke hem ghelept ende ghebrocht hebben tot zijnder hoochster eere/ghehandelt heeft met alderhande wreetheden ende onmenschelicheden: ende die wt ghesocht heeft alsulcke instrumenten van zijn wreetheyt/als is de Hertoge van Alue ende zijn sergeanten? Dan een Tyran die teghen alle Goddelicke ende weereeltliche rechten heeft aenghetast de croone van Portugal / ten tijde dat die Staten vande Bijcke ghereet waren om na recht te wijsen wien dat dit Coninckrijcke toe behoorde? Metten cortsten ghelept / uwen Coninck is een Prince/die de schoonste Priuilegien vander werelt meent te hebben / ende principaelick in dese landen/de welcke ick hier sal veruolghens beschrijven / op dat ghy meucht weten of alsulcken Coninck gheluckich is of niet.

1. Ten eersten dat hy mach verrijghen / ende metter daet heeft vanden Paus vercreghen dispensatie van alle eeden die hy heeft ghedaen / van te hanthauen ende onderhouden de priuilegien vande Nederlanden: en dat hy wt crachte van dese dispensatie mach ter neder worpen / of vzeeken teghen zijnen eedt alle ordonnantie / ende in allen saken disponeren na zijn gheliefte/ende na de passien van zijn dienaers.

2. Dat hy mach teghen zijnen eedt vzeemde krijchsliden in tlant vzeighen / ende in garnisoen legghen / Casteelen maken sonder consent van de Staten / om te bedwinghen met ghewelt ende tyrannie alle de ghene die

B ij      daer



rijt

daer teghen souden willen segghen.

3 Dat hy mach sonder voorgaende informatten doen vanghen de Rid-  
ders vander Orden / ende by Spangiaerts ende toegheuaecte personen  
henlieder proces maken / sonder t'samen te roepen en vergaderen de broe-  
ders en Ridders vander Orden: de selue te doen executeren metten sweer-  
de / te doen verworghen in vanghenisse / ia te doen vergheuen de ghene die  
nen hem van weghen de Landen ghesonden werden.

4 Dat hy mach doen ende stellen assulcke ophoue van penninghen / ende  
saerlicke ende eewighe imposten op het volck / als hem ghelieft / sonder  
consent vande Staten. Dat hy mach oordeelen de nuieren af te worpen  
vande steden die daer teghen segghen / ende de personen die t'woort boeren  
tot onredelike ende excessiue boeten of bzeucken.

5 Dat hy mach maken ende openbaerlick wtroepen assulcke Placcaten  
ende Inquisitien als hem ghelieft / sonder aduys ende consent vande Sta-  
ten: ende ter doot bzeughen alle de ghene die niet middel van rechte daer  
teghen segghen.

6 Dat hy mach om te bzeken d'autozitept vanden Staten / ende om die-  
naers te hebben ende executeurs van zijn Inquisitie: nieuwe Bisdomme  
op rechten / ende wt zijn eyghen autozitept ende consent vande Staten dese  
Bischoppen bewijzen op tgoet vande Prelaten oft Abten.

7 Dat de ghene die Requeste presenteren / die na zijnen / of na de Span-  
giaerts sin niet en is / moeten ghestraft worden / als van misdaet van Lese  
Majestept.

8 Dat hy mach op rechten nieuwe Raden / diemen heet Radē van trou-  
ble / of bloet Raden / den welcken alle macht ende volcomen autozitept is  
gegeuen: ia bouen de groote Raden en Parlementen vande Nederlanden.

9 Dat hy by eedt mach voor goet houden de Pacificatie van Ghent / het  
eewich Edict / en zijnen eedt bzeken als hy meynt ten eynde van zijn voor-  
nemen ghecomen te wesen.

10 Dat hem is gheoorlooft wten lande te voeren de ionghe Heeren van  
Brabant / ende te nemen wter Oniuersitept tegen den eedt vande blijde in-  
roemste / ende priuilegien vander Oniuersitept / om gheuangen te houden.

11 Dat hem gheoorlooft is den inwoonders van dese landen te verbie-  
den / dat sy souden gaen studeren buyten den lande / en elders te huwelicke  
dan inde Nederlanden.

12 Dat hy mach gelofte van huwelick gheuen om zijn lief te ghenieten /  
ende daer na by zijnen Cancellier zijn ghelofte doen verbzanden / ende  
te spotten met die bedrogghen vrouwe.

13 Als hy zijns huysvrouwen moede is / dat hy die mach vergheuen.

14 Dat hy zijn sone mach dooden om dat hy medelijden hadde met d'el-  
lendicheden vande Nederlanden: ende niet en hadde voor goet ghehouden  
die moordadighe raden vanden Hertoghe van Alue.

15 Dat hy mach teghen de wet Gods zijn nichte trouwen / ende de selue  
doot zijnde / de suster trouwen vande ouerleden / oock zijn nichte / en hadde  
de selue vrouwe niet wijsse gheweest dan hy ende haer moeder.

16 Dat



16 Dat hy tseffens ende op eenen tijt vooz Concubijnen mach houden twee ghesusters.

17 Dat hy mach doen vergheuen ende dootslaen de ghene die hem goetduncken / ende edel maken de ghene die soo snoode zijn als hem te dienen int volbrēngghen van so ellendighe wercken.

18 Dat hy mach in nemen het Coninckrijcke van een Coninck die zijt ghebuer is / ter wijle dat het recht vanden Coninckrijcke in handen van iustitie staet.

19 Dat hy mach metten Turck bestant maken / om t Chyftenrijck te verderuen.

20 Dat hy mach Ambassaten senden aenden Coninck van Marrojo en van Fez / om hem gheluck te bieden metter victorie die hy vercregen hadde op zynen neue de Coninck Don Sebastiaen.

21 Dat hem is gheoorlooft te doen steruen vooz zijn geneuchte thien of twaelf millioenen menschen in Indien.

Daer hebt ghy mijn Heere den Cardinael de priuilegien van uwen Coninck / die nochtrans Catholike Coninck wil ghenoemt zijn. Ick laet ick v oordeelen / so verre als ghy noch eenich verstant in tijt hebt / oft oock een gheluckich Coninck is / zijnde sulck als hy is / al waert dat hem andersins alle saken na zynen wensich quamen. Maer als ghy sult aenmercken tghene dat hy alreede heeft verlozen / dwelcke v niet en can onbekent zijn / ende tghene dat hy eer cozte iaren noch sal verliesen: so moet ghy wel blint ghe worden zijn / ist dat ghy niet en liet dat zijn onghemeten eergiericheit in sulcker voeghen heeft verweert niet alleene de Chyften Princen om hē zijn vleughels te cozten / ghelijck hem die alreede seere gheroxt zijn / maer oock de Mooren ende Heydenen in voeghen dat seer te beduchten is / hoe wel dat hy out is / en ghy insghelijck: dat ghy des niettemin met hem wel soudt mogen noch sien leuen in de poozten van Siuiliē of van Madrid / gelijck met Campson wert gheleest inde poozten van Alkayze. Heet nu alsulcken Coninck geluckich / die met so schoone deuchde verciert is / ende die schandelick is verdoen wt so schoonen lant / ende dat niet so seer met ghelwelt / als dooz een ghemeyne consent vanden volcke / dat een grouwel heeft van de tyzannien ende onuerdraghelicke wreetheden van eenen so catuighen Coninck. Aenmerckt nu ter ander zijden den Prince van Ozaigne / van wien mach ghelept worden / tghene dat van Aneas ghelept wort / Nulli pietate secundus: ende ouerlegt zijn gheluck ende salicheit. en hoe dat God dooz zijn voorszienicheit hem heeft een leysman gheweest dooz dupsent en dupsent perikelen: ende dupsentmael als ghy ende uwen aenhanck meyn den dat hy onder de voet was / hem heeft weder op gheueuen / ende doen klimmen op thoorchste van alle eere ende glozie: dwelcke blinckit ende sal blincken ouer alle de werelt also licht ende claer / als uwe naem sal bekent ende eerwich gemaert zijn / ghelijck als is die van Pilatus of van Judas. Ist dat alle zijn voorzeden leuen / dwelcke v niet en heeft onbekent ghe weest / v niet en can wijs maken tghene dat ick segghe / soo aenmerckt ten minsten dese wonde / ende ouerlegt hoedanich die gheweest is / hoe die is ghesen;



ghenelen: ende ghy sult beuinden dat God selue niet zyn eppen handen de-  
 le wonde heeft genelen: ende dat de ghene die God so seer lief ende weert  
 is/ende van alle den volcke bemint/niet en can ongeluckich geheeten wor-  
 den/dan van een leughenaer. Maer na dien dat ghy ander lieden ongeluc-  
 kich heetet/laet ons een wepnich sien / met hoe goeden redenen datmen v  
 mach houden vooz gheluckich. Tis wel waer / hadt ghy v seluen ghedra-  
 ghen als een man niet eeren / ghy hadt groot boozdeel dat ghy ghebozen  
 waert van eenen vader die seer goet verstant hadde/die v ende v broeders  
 groot goet heeft achter gelatē/die v hadde op gebrocht in saken van Sta-  
 te/en tot groot credit geuoordeert. Maer in stede dat hy van v soude ma-  
 ken een wijs man/ghelijck zyn meyninghe was / so heeft de valscheit van  
 uwer natuere sulcx geweest/dat ghy loos ende dooztrapt gheworden zyn-  
 de/bedect ghedraghen hebt therte van eenen Vos ende Tpgre/waer dooz  
 dat ghy so wel geregeert hebt de saken van v meesters/dat ghy dooz v sot-  
 termen ende vermetenheyt/ende teghen het aduys vanden Keysler/ oozsa-  
 ke zyt gheweest van hē in Duytschlant te doen vallen inden meesten noot/  
 daer hem opt een groot Prince heeft inne gheuonden: en gaest te kennen v  
 stinckende vuplichkeiten dooz v bzieuen van hoererie / de welcke geuonden  
 werden onder v bagagien / doen ghy sonder trompette de vlucht naemt/  
 hoozende tghelupt vande wapenen vanden seer doozluchtighen Hertoghe  
 Mauris. Eenighen tijt daer na heeft v meester dien ghy nu dient/te wege  
 ghebrocht den paps van Cambray / vande welcke tyzincipale punct was  
 dooz uwen raet/datmen d' Inquisitie soude boozts bzingen / nieuwe Bis-  
 schoppen maken/om van uwe creatueren onder de Staten te hebben: ge-  
 lijck ghy oock so sot zyt tselfde te bekenen in v bzieuen aende Hertoginne  
 van Parma ghelchzeuen: ende dooz den grooten hoop Spangiaerts die  
 hier te lande bleuen naer dat d'oorloghe ten eynde was / ende sommighe  
 bastaert planten die ghelspanolisieert waren om met Antwerpen te leuen  
 ghelijck met Mexico: ende met tgeheele lant/ghelijck met Peru gheleest  
 wert: Maer so uwen boosen raet ontdect was / so hebt ghy oock de pooztē  
 doen open doen / om dat de Spangiaerts souden wten lande verdzeuen  
 worden. Daer hebt ghy van v ghelucken ende salicheden. En also ghy met  
 uwen secreten raet vande Hertoginne van Parma/van Viglius ende meer  
 ander niet op en hielt van alle saken int verwarde te stellen/(latende v sel-  
 uen dencken dat ghy so veel verstanden hadt / alster hoerken zyn in v roo-  
 de mutse) ende de Heeren vanden lande nietter neuse te leyden / hebt ghy  
 so wel v profijt ghedaen/dat sy v dzeuen ouer tgeberchte in Italien/waer  
 dat ghy noch gheluckigher hebt gheweest dan herwaerts ouer: want v  
 hoereeren ende hoouerdie hebben v doen dzyuen wt Milan/wt Rome/en-  
 de wt Naples: ende metten coxtten gheseyt/ Du Cardinal la braguetta/ &  
 faict perdie la Souletta: dat is te seggen/ Tbroeckten vanden Cardinael/  
 heeft Goletto doen verliezen. V leuen is ouer al so ongheluckich / en daer  
 toe so openbaerlick/dat v hups is gheweest een openbaer bozdeel: in hoe-  
 ghen dat een Bischop van desen lande die seer gheleert was inde heplige  
 Schysfrue / septe: Ten minsten dat mijn Heere de Cardinael dede ghe-  
 lijck



xviij

lijck S. Pauwels seyt / *Faciatis sed caute*; Want men hadde den goeden  
 Heere wijs gemaect/ dat S. Pauwels sulcx seyde. Maer indie men v voor  
 houden soude tghetal van alle v ouerspelen/ en ander vuplicheden/ diemen  
 niet en can ghenoeimen sonder schaemte / ende die ghy sonder schaemte be-  
 dzeuen hebt/ wanneer soudemen ghedaen hebben? Ghy hebt v wel derren  
 voeghen door beuel van uwen meester/ by den Keyser Maximiliaen/ doen  
 hy noch maer Coninck en was van Boheme / ende hebt hem vergheuen/  
 dwelcke hy verclaert heeft tot int eynde van zijn leuen; maer en heuet niet  
 derren openbaer maken/ om dat hy v meester niet en soude vergrammen.  
 Ghy segt dat ghy een Pylaet zijt vander kercke/ des niettemin houdt ghy  
 uwen rel ende spotredenen metten woorde Gods/ ghelijck blijkt by v da-  
 ghelijcsche propooste/ want als ghi wilt goet doen dat arme lieden behoo-  
 ren grooue spijs te eten/ ende de rijcke ghelijck ghy zijt/ cleyn gebeente/ dat  
 self de doet ghy goet (so ghy segt) metten woorde Gods/ dwelcke segt: *Esu-*  
*rientes impleuit BOVIS*, & diuites dimisit in AUES: Weest o ghy catjuich  
 mensche dat de ghene met wiens woort ghy spot / niet en volbrenghe tge-  
 ne dat ghy segt: ende dat hy v dimittat in aues / dat is te seggen/ dat v licha-  
 me of stinckende vleesch gheē spijs en werde vande rauē/ ende v siele een  
 aēs van die swarte voghels der dupsternisse. Ende voort hebende soo  
 eerlicke deuchden/ so meent ghy seer geluckich te wesen/ die uwen meester  
 hebt doen verliesen de schoonsste bloeme van zijnen hoet / ende hebt daer  
 mede doen croonen mijn heere den Hertoghe van Brabant / de welcke de  
 persone is dien hy meest hatet/ naest de Prince van Ozaigne: ende wien hy  
 door alle middelen heeft gesocht vander werelt te doē helpen. Ghy meent  
 wel een meesters stuck bedzeuen te hebben / met hem so wel te helpen drij-  
 uen de sake van Portugael / so door v listighe practiken metten Paus/ die  
 beter Spangiaerts is dan ghy zijt/ als door die heymelicke practiken met  
 eenighe Heeren van Portugael/ ende verraders van heulieder Conincrijc-  
 ke. Dat uwen meester door ghewelt van wapenen heeft verdzeuen den  
 gerechten ende natuerlicken Coninck/ daer tyroces vanden Conincrijc-  
 ke noch niet ghewesen en was: Maer ghy sult daer door seer roys v mee-  
 ster sien verliesen zijn Indien/ dat is te seggen de put daer hy zijn gout wt  
 haelt / dwelcke tfondament is van zijn tyranien / handelinghen ende be-  
 droch. Ghy sult hem seer haest so wel gheprangt sien vande zijde van Afri-  
 ke/ia in tbinnenste van Spangien/ waer dat v raetflaghen in Castilien en  
 Arragon/ia by de principaelste/ hem in sulcken haet brengen/ dat ghy bin-  
 nen uwen leuen sult ghedwonghen zijn te bekennen/ dat ghy de catjuich-  
 ste Pylaeter zijt/ die onder shemels cappe is. Ghy zijt so sot en onuerstan-  
 dich / als ghy meent een register te wesen van schalckheden/ dat ghy alsoo  
 haest schrijft tot uwen bederuentisse als tot v profijt: Ghy zijt so ongheluc-  
 kich dat v bzeuen in onsen handen vallen: ende hoe wel dat ghy v dupsent  
 mael beroemt hebt/ dat ghy de cloerste meester vander werelt zijt om met  
 cijfer te schrijven/ so is nochtans de cijfer die ghy ghebruict/ als ghy met v  
 eyghen hant schrijft/ so subtyl/ dat een kint tself de so haest sal lesen als zijn  
 lesse: in voeghen dat ghy met v voorgaende bzeuen / die tvoorleden Jaer  
 ghedruct



ghedruct werden / in perikel hebt ghestelt die arme Abten / die hen te seer  
 dwaesselick hebben laten geleggen en omme setten door v beuselen en lo-  
 ghenen. Ghy zijt so onuerstandich dat ghy van bouen neder schrijft vande  
 Spangiaerden al dat v goet dinct: gelijc men heeft gesien by v voorgaen-  
 de brieuen die oock tvoorleden Jaer gedruct werden: daer ghy nochtang  
 zijt in haerlieder handen/ gelijck tusschen de clauwen van een kiekendief.  
 Ghy verseheurt den Hertoghe van Alue/ghy misprijst zijn wercken / ende  
 zijt so qualick bedacht dat ghy niet en geloofst dat hy v also lichtelick soude  
 moghen betrappen/als hy Escouedo dede/dien hy tleuen dede nemen/om  
 dat hy van hem geclapt hadde. In dese laetste brieuen die nu gedruct zijn/  
 wat al sotternien/beuselinghen/en saken nergheens toe dienende/zijn daer  
 inne begrepen. Meynt ghy dat dese Heeren/en mannekens van Heere/aen  
 de welcke ghy schrijft dese speel-brieuen / noch soo beestachtich zijn/dat sy  
 niet en verstaen dat v brieue niet anders en zijn dan wylwater vande Po-  
 ue? Meynt ghy dat de Burchgraue van Ghent dien ghy so seer prijst/om  
 dat hy so schoone openinghe heeft gemaect om de Spangiaerts te doe we-  
 der keeren/vergeten heeft tghene dat hy selue seyde teghen de Prince van  
 Parma inde volle vergaderinge vanden Staten / alsinen op dit stuck raet  
 was nemende/daer hy badt uwen Coninck/dat hy zijn hande niet en sou-  
 de willen wepcken in zijn bloet? Montigny begeret gouuernement van  
 Vlaenderen/ghy hout hem op met woorden/en spot met hem/en al waert  
 dat ghy hem tselfde hadt doen geuen/ghy en sout hem niet vele gheschone-  
 ken hebben: des niettemin naer dat ghy hem seer ghepzen hebt / dat is te  
 seggen/de pluymen hebt gestreke/ghy en durft noch van dien sin niet zijn/  
 datmen op hem van eenighe sake soude moghen betrouwen. Also is hem  
 oock gewergert gheweest tgouuernement van Doornick / so sal oock dat  
 van Venegouwte/of men sal hem pimmers een voocht willen stellen. Ende  
 waert sake dat die Burchgraue van Ghent niet en hadde dat vā Artops/  
 hy en soudet nemmermeer krijgen. Ghy zijt so qualick geleert dat ghy tle-  
 creet vander Wisse te kennē gheeft: verclarende welcke de meyninge was  
 van v en van uwen meester/uit opzichten vande nieuwe Bisschoppen / te  
 weten/om te hebben v creatueren en sinnekens onder de Statē: nochtang  
 so was de welbaert en voozderinghe vanden gelooue en Catholike Kere-  
 ke/het momaensicht/ende prologhe van alle placraten ende ordonnantie.  
 Siet daer hoe dat ghi spottet met die Christelike Religie/en daer mede v  
 niet en behelpt dan om goet te krijge/ en als een decmantel van v boose en  
 valsche practiken. Ghy toont oock dat ghy alle saken weet/als ghi schrijft  
 dat de Coninginne / moeder vanden Coninck van Brancrijk / heeft pe-  
 niant gesonden van Marseille/om den Turck te verwilligen/dat hy soude  
 willen de wapenen aen trecken tegen v meester: al of de Coninginne moe-  
 der dese sake niet en can handelen (ist dat sy wil) door den ordinairen Am-  
 bassadeur/die binnen Constantinople zijn residentie heeft: en al oft sy niet  
 en hadde in handen gehad twee Ambassaten vanden Turck/die dese laet-  
 ste winter in Brancrijk waren. Meynt ghy oock dat die Fransosen so  
 slecht zijn/dat sy niet en souden weten dat den wech van Venegien en Ba-  
 guze



rix

guze veel lichter is ende gemakkelicker na Griekē/gelijck die van Mar-  
 seille is na Egypten ende Surien? Maer ghy zijt een meester Docteur/die  
 alleene mepnt meester te wesen/en alle saken te weten / ende dat alle ander  
 maer beesten en zijn. Pietermin op dat ghy meucht weten dat ghy een sot  
 en opgeblasen geck zijt / ick sal v segghen de reden waerom dat de Conin-  
 ginne ghesonden heeft van Marseille/ende hadt ghy uwen bzil op v reule  
 geset/ghy haddet mogen sien. En weet ghy niet dat sy heeft aen genomen/  
 so wel in haer eppen name/als actie pretenderende voor haer epgē hooft/  
 als oock als bescherm vrouwe vande Coninck Don Antonio / de bescherm-  
 minghe van Portugael? Ist dat ghijt niet en weet/ghy sullet haest weten/  
 als ghy sult sien het soonken vande gene die op zijnen arm schreef nostris  
 ex officio vltor: als ghy sult sien/segge ick/inde geheele zee Creane af ruc-  
 ken de wapenen van Castilien. Hadt ghi nu dese saken ouerdacht/en war-  
 waerts dat dese schipvaert van Marseille henen gaet/ te wetē na Alexan-  
 drie/Tripoli van Surien/en na Halepo/so hadt ghy mogen wijs worden  
 dat den rechten wech is/om te lande naer Indien te reysen / en den Vice-  
 rop van Indien de wete te doen/dat de Coninck Don Antonio zijn mee-  
 ster de wapenen inde hant noch heeft / om hem te wreken op uwen Ty-  
 ran. Maer ghy behoort nu ten minsten wel een wepnich daer af te weten/  
 als ghy merct dat de Viceroy die uwen meester daer gesonden hadde/ghe-  
 uangen was/en met ketenen ghebonden vande getrouwe onderlaten van  
 den Coninck van Portugael. Ick mepne nu dat ghy v seluen meucht ghe-  
 luckich heeten/allinen v so groote saken wijs maect/en dat v luttel cost. V  
 onuerstant en is niet minder/als ghi toont dē grootē lust die ghi hebt/dat  
 v meester d'oorloge aenueerden soude tegen de Coninck van Vranerijck:  
 want v meester is daer in wijser dan ghy zijt / dat hy niet en wil treden in  
 so sware ende periculose oorloge/die hem op coften tijt tot inde gront sou-  
 de bederuen. Maer den haet die ghy den Francopsen draecht / verblint v  
 so seer/dat ghy sonder verstant ende discretie blijft: Ghy seyt in uwe ander  
 boozgaende brieuen/dat de Francopsen lichter zijn te slaē/dan te versmoze-  
 ken of bzuieren: nu segt ghi dat wonder is datmen niet en kent haerlieder  
 clepne macht:maer ghy catijf en liet niet de cranche macht van Spangie/  
 de welcke meer dan gebleken is inde oorloghe die de Prince van Oragne  
 met so luttel middelen wederstaen heeft: en nochtans heeft hy met cracht  
 en raet alle v Spangiaerts gebroken/ende logeert nu in haerlieder caste-  
 len eertijts geweest hebben/ dwelcke een excellenter teecken is van victo-  
 rie/dan tbeelt van uwen Hertoghe van Alue ootmoedich was. Ghy en liet  
 niet dat uwen Coninck dit lant verlozen hebbende/ende dat de Francops  
 eene clepne macht houdende in het Marcgraefschap van Saluce: en eeni-  
 ge garnisoenen ontrent Narbonne en Carcassone / geheel Spangien ende  
 Italien op den toom hout. Ghy en merct niet dat ghy / sprekende sulcke  
 woorden/en oock niet te seggen dat mijn Heere den Hertoge van Brabant  
 niet een voet en verset sonder de wete vanden Coninck zijnen broeder / en  
 vande Coninginne zijn moeder/eenen Coninck tercht en vergramt die op  
 eenen bot uwen Coninck mach drijuen ouer tgheberchte / en so vast pran-



ghen/ dat hy / ghelijck zijn voorszaten dooz de vrome seften en wijse beleydinghe vanden vromen Ridder Bertran van Gueselm ghestelt hebben de croone van Castilien in handen vanden bastaert Don Pedro/ voorsziet vā ulwen Coninck/ oock soude mogen lichtē de croone van v meesters hooft/ en die gheuen een eerlicker man dan hy is. Maer bouen al toont ghy v seluen seer verstandich als ghy segt: Dat vvare den deun, datmen in v bloetgerige handen, ende van dijns ghelijcke leuerde mijnen Heere den Hertoge van Brabant, om getraecteert te vvorden na zijn verdiensten. Catjuich Cardinael die niet en pepnst dan onmenschelicheyt en wreetheyt / en of God woude/ dwelcke hy niet en sal ghedoogen / dat hy dooz d'oorloghe soude vallen in handen vanden Coninck ulwen meester / wat raet sout ghy gheuen? God wilde dat zijn grootvader gheuangē was/ en eenighen tijt daer na heeftmen den Kēpser ghesien in handen vanden Coninck Fransoys. Hadt ghy doen ter tijt een stemme int Capittel gehad/ wat sout ghy doch gheraden hebben? Maer ghy verrout v op de humeuren van ulwen Meester/ die ghy weet dat zijnen sone en zijn wijf ghedoot heeft: en dooz ulwen handen heeft doen vergeuen zijn swager en cōsijn den Coninck van Bohēmē. Meent ghy dat hy anders soude willen leuen met zijn ander swager: en also sullen wy van hem wel mogen segghen: At non ille satum quō te mentiris Achille, Talis in hoste fuit. En noch zijt ghy een frap gheselle/ als ghy den geck wilt scheeren: en om dat het woort Durate v so wel behaecht/ dat ghyt hebt ghenomen vooz v deuise/ so maect ghy oock een gupchelrie op Durabit: waer af dat ghy maect dur habit / dwelcke ghy heet in v Bourgoensche sprake (want ghy hebt desen brieu met v eygen hant gheschreuen) cuirasse de fer/ dat is te seggen een pser colder / niet wetende van waer dit woort cuirasse den oorspronck heeft: ende daerentusschen conterseijt ghy de Prophete/ ghelijck Capphas dede/ als ghy segt dat de maent van Mepe noch niet gepasseert en is/ binnen de welcke ghy meyndet dat v boos voornemen / van te dooden mijnen Heere den Hertoghe van Brabant/ behoorde volbrōcht te wesen. Maer God danck/ de maent van Mepe/ en van Junius zijn gepasseert/ ende zijn Hoocheyt is seer wel te passe/ia vaert beter dan v lief is.

Maer weet ghy nu wat ghy doet/ so geluckigen dienaer zijt ghy / dat is ghelijcker noch resteerde dooz tbesteck van v gesellen/ eenighe swaricheyt inde herten van sommige vande slechtste menschen / te weten/ datter was een hemmelick verstant tusschen v meester en den onsen/ so hebt ghy nu geheel werch genomen dese reste van wantrouwe/ en hebt geholpen clant beuestighen in handen van mijnen Heere van Brabant. Kenmerckt nu hoe geluckich dat ghy zijt/ als v saken so goeden voortganck hebben/ en so wel na ulwen sin gaen. Ghy begeert de doot vanden Heere van S. Albegonde: is dat den loon die ghy zijn geslachte gheeft/ het welcke ghi danc moet weten van al tgene dat ghy hebt/ gemerct dat v niet en can onbekent zijn dat zijnen grootvader heeft ulwen vader ghebrocht inden dienst vanden Kēpser/ die maer een Procureurken was van Dole: Maer ghy hebt noch willen voegen by v ander qualiteyten / dese schoone bloeme van ondancbaerheyt. Mengaende v eerbaerheyt en oprechticheyt / die wort also wel gekent in clepne



xxj

in clepne sake als in groote: Ghy wilt dat die armen Deken van S. Goes-  
 le v dancke/van het schoon present dat ghy hem hebt gegeuen / als van he-  
 te resigneren oft ouer geuen het Aertsbisdom van Mechelen/maer hi had-  
 de lieuer hondert croonen wt v borle. Of hy v resigneerde het Patriarch-  
 schap van Jerusalem/of het Bisdom van Bethleem/of zijn Dekenschap/  
 hy soude v desghelijcx doen/want ghy sout v seluen alsoo belet vinden van  
 tselfde te genieten/als hy sal zijn van v Aertsbisdom. Ghi sult v wel wach-  
 ten te resigneren uwe Abdie van S. Amand/om dat ghi noch wat profijts  
 daer af geniet. Dat zijn de milde giften van mijn Heere de Cardinael. Oec  
 is zijn wetenschap seer excellent / als men mach sien aen een cleyn stuccken  
 van dien:want hy seyt/en liecht niet te min met eene/in eenē van zijn brie-  
 uen met zijn eyghen hant gheschreuen/dat den Turck sondt na d'oorloghe  
 van Persen seker ghetal van Capiteynen ende soldaten/ende willende seg-  
 ghen/dat den Turck sondt twee Sangiaquen/soo schrijft hy dat hy sendt  
 twee saincts Jacques. Hy meynde dat den Turck S. Jacopen hadde/ge-  
 lijck de Spangiaerts S. Diegos hebben. Ghy laet v oock dunckē dat ghi  
 een groote practike hebt geuonden/als ghi schrijft dat de van een geschepe-  
 den Prouincien / een seer goet fondament genomen hebben vande Span-  
 giaerts wederomme te doen comen: aenghesien dat die ander landen hen  
 niet weder en hebben vereenicht door het afwesen vande vzeindelingen.  
 Maer ghy dient wter maten wel om te bedziēgen de ghene die bedroghen  
 willen zijn. Meynt ghy dat wy niet en weten dat v Prinsken van Parma/  
 of v clepne nieuwe Alteze en Serenite een wtlander is: meynt ghy dat wy  
 niet en weten dat hy de sone is van Octauius Farnese / ende neefken van  
 den vermaerde Pieter Lops/dat hy tot Rome geboren is/en dat hy daer-  
 omme meynt so veel edelder te wesen: meynt ghi dat wy niet en weten wie  
 Rebles is / wie Verdugo / wie Mondragon is/ende dat de vendelen met  
 Spangiaerts gheuoeert zijn / ende dat de hoofden van dese landen elck  
 een Italiaen of Spangiaert voor schoolmeester hebben? Maer het is ghe-  
 noech dat ghy een loyer hebt/om de voghels op de hant te doen comen: en  
 ghy en pepnt niet dat die van Artops en vā Benegouwen metter tijt mo-  
 ghen v bedroch mercken. Ende al ist dat de Heeren soo seer betoouert zijn  
 door geloften ende ydel tijtels dat zijt niet merckē en connen/of door haer  
 lieder haet ende nijt achterwaerts gehouden worden van weder te comen  
 op den rechten wech: meynt ghy dat de groote steden sullen willen sien om  
 de gepasside affectien van sommighe hen seluen destrueren ende bederuen/  
 ter wijle dat mijn Heere de Cardinael binnen Madrid zijn soete liefkens  
 feestert ende onderhout? Ende voor thoorchte van uwe wijsheyt/gebent  
 het tghene dat ghy schrijft met v eyghen hant aen Morillon aengaende u-  
 wen broeder:want ten eersten so leert ghy ons onse lesse/soo veel te seker-  
 der om dat ghi zijt ons meeste vyant/ende sinedet niet eene sloten en ster-  
 ke ketenen om uwen broeder vast ghesloten te houden: Ist dat ghi in sul-  
 ke fouten vallet teghen uwen broeder / wie isser die v onuerstant niet en  
 merckt? Ghy sult segghen dat ghy niet en meyndet dat dese brieuen sou-  
 den ghenomen werden/ende dattet een ongheluck is/dwelcke ick v accor-  
 dere/



xxij

bere/te weten/dat ghy niet wijs en zijt in te segghen non putabam/en dat ghy boozwaer ongheluckich zijt/van te sien dat v raetlagen int openbaer comen tot achterdeel van uwen naesten. Metten roytsten gheseyt/ghy zijt het recht peert van Seins/ende tgout van Tholouse: want nopt mensche en heeft niet v te doene ghehadt / of hy en heeft qualick gheuaren: in voeghen dat ghi behoort te comen inde Chiliades van Erasmus/ende in tselfde hondert van het gout van Tholouse / waer dat hy moet geuoecht worden de Cardinael van Granbelle / om te bedieden een ellendich ende ongheluckich mensche/ende die bedozuen en gheruineert heeft alle zijn meesters ende vrienden.

Wat sal ick oock segghen van dien catijf Alnastro: laet ons ten eersten aenmercken zijnen raet. Om te schulden den naem van banckerotier / so neemt hy aen te doen een so snoodde ende veruloeckelick seyt / hy maecht roop booz een ghesetten prijs metten Coninck van Castilien/door middel van Alunfa / als booz de somme van tachtentich dupsent ducaten / maer hoedanich heeft d'oorlake gheweest? Dat is dat Alnastro die hem ontsach bekent te zijn booz banckerotier op de boze van Antwerpen / is nu bekent van alle de werelt / ia ghedoemt door zijn eyghen vrienden ende maghen/niet alleen booz banckerotier/maer oock booz moorder/ia booz een bloode moorder / die selue zijn schelmerie niet en heeft derren executeren/maer verleyt heeft een arm catijf dien hy heeft doen gaen in zijn doot/met zijn ander dienaar/bepde ionc-mans / ende oock zijnen biechtvader. Hoedanich sal dan zijn het leuen van Alnastro / die snoodde ende verachte mensche/ia vande ghene den welcken hy hem seluen heeft vercocht/gelijck zijn makelaer Alunfa ghenoech ghetuyghet in zijn eygen vrieuen:ende die een deplinghe also lustich wil maken/als de ghene deden die tvel vanden beyz wilden deelen/ende selfs zijn eyghen vader wil bedrieghen. Dat is dat hy in Spangien gheenings daer af en can voldoeninghe krijghen / ende wort weder ghesonden aen de doze ende magher financen vande arme Walcontenten. En is dat niet allulcken betalinge als dese moorder / dese snoodde banckerotier/ende verraderliche schelm verdient ende weerdich is? Als de Prince van Parma hem booz versekeret hielt vande doot vanden Heere de Prince/ hy gaf hem bewaerders / hy eerde hem ghelijck een Prince / hy hielt hem by hē: naderhant so wert hy van alle de werelt verlaten als een booswicht ende eerloos boeue. Ja vele segghen dat ianuner is/dat hem de Beul niet en heeft wter werelt gheholpen. Maer het waer schade dat hy doot ware/Want hy sal thien dupsent dooden daechs sternē:de verschrietheyt van zijn eyghen conscientie sal hem pijnighen / ende sal voortgaen dienen booz een schouwel ende spot van alle de werelt. Ist dat hy in Spangien coemt/hoe sal hy moghen ontgaen wten handen vande vrienden van die ionghe onbedachte menschen / die hy inde doot heeft gheiaecht? Wat werck sal van hem maken de Coninck van Spangie/die alreede met hem spot? En sal hy hem niet met reden antwoorden/dat hi hem niet schuldich en is/aenghesien dat hijt niet en heeft volbrocht:ende daer toe/ist datmen pet schuldich is/dat is aen Jauregup/die de scheute ghedaen heeft? Ende dat hy



xxij

dat hy dien alreede heeft volbaen / ghefondeert hebbende tot zijnder eeren  
so schoonen Capelle / ende met te doen stellē int boeck vande Martelaers /  
dat is te segghen / Om te veruullen tghene dat die gulden legende seyt: De  
lichamen van veel menschen vvorden op der aerden geeert, vande vvelcke de  
sielen inder hellen ghepijnt vvorden. En sal hy niet segghen dat Alastro  
een bloo schelm is / die selue niet en heeft derren pet bestaen?

Siet daer den loon van Spangien. Ende aengaende dese arme en ma-  
ghere nieuwe Altheze / die soude gheluckich ghenoech zijn / hadde hy waer  
mede om zijn moeder te helpen / de welcke binnen Namen vergaet van el-  
lende ende armoede: ende dat ergheer is / van schaemte dat sy van haer sone  
so qualick ghetraecteert is gheweest / die haer noyt en heeft willen pet ouer  
gheuen zedert dat sy in dese landen gheromen is / in voeghen dat haer Se-  
cretaris Aldobrandin seyt / dat haer bliuen in dese landen / eenen van is.  
Maer wat heeft sy anders moghen verwachten van eenen sone / die van  
achter op haer zijn tonghe tot stact / van dat hy noch ionck zijnde / int Hof  
was tot Brussel? Sulcx sal dan den staet zijn van dien gheluckigen Alas-  
tro / die niet veel beter en sal zijn / dan die vanden Coninck zijnen meester /  
ende van zijnen Cardinael. Ende ten eynde dat ick weder keere tot mijnē  
Cardinael / ick sal hem op een nieu bidden dat hy aenmercken wil dit coyt  
verhael / ende sonderlinghe tghene dat ghebeurt is in dese laetste moorde-  
rie / ende ick ghelooue dat hy sal verstaen dat hi een excellent loghenaer is /  
als hy den naem van ongeluckich of ratijf / gheeft den geluckichsten Prin-  
te van zijnen tijt / ende den Doozluchtichsten die in Europa is: Maer ist  
dat hy dit Epithete of bywoort wel wil te passe brengen / dat hijt gheue  
den ellendichsten Coninck vander werelt / wiens leuen alle man tegen is /  
principalick om zijn moordadige practijckē: en zijnen staet die so bloepen-  
de is gheweest / staet nu so wanckelbaer / dat hi dien eer langhe sal sien ghe-  
heel ter neder legghen.

¶ ¶ ¶ ¶ ¶



177  
[Faint, mostly illegible text in a single column, likely a historical document or manuscript.]



3572  
[Faint handwritten or stamped numbers and text.]



